

დასაქმების აქტიური პოლიტიკის ძირითადი მიმართულებები და განმახორციელებელი ინსტიტუტი

ელა ლეჟავა

სტუ-ს დოქტორანტი

რეზიუმე

უმუშევრობა საქართველოში ერთ-ერთი ყველაზე მნიშვნელოვანი სოციალურ-ეკონომიკური პრობლემაა. უმუშევრობა – ეკონომიკურად აქტიური მოსახლეობის იძულებითი დაუსაქმებლობაა. უმუშევრობასთან ბრძოლას ყოველთვის დიდ ყურადღებას უთმობდნენ. დასაქმების თანამედროვე ეროვნული პროგრამების ამოცანაა არა უმუშევრობის აღმოფხვრა, არამედ მისი ბუნებრივ დონემდე შემცირება. დასაქმების სახელმწიფო პოლიტიკის კონკრეტული ზომები შეიძლება განსხვავდებოდეს ქვეყნის სოციალურ-ეკონომიკური პირობების მიხედვით. 2012 წლიდან საქართველომ შრომის ბაზრის ინსტიტუტების შექმნა და შესაბამისი პროგრამების ამუშავება დაიწყო. 2020 წლის პირველი იანვრიდან ქვეყანაში შრომის აქტიური პოლიტიკის განხორციელების მიზნით ფუნქციონირება დაიწყო დამოუკიდებელი სახით, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს დაქვემდებარებაში არსებულმა სსიპ დასაქმების ხელშეწყობის სახელმწიფო სააგენტომ, ქვეყანაში შრომის ბაზრის აქტიური პოლიტიკისა და დასაქმების ხელშეწყობის მომსახურებათა განვითარება/განხორციელების მიზნით.

დასაქმების ხელშეწყობის 2022 წლის სახელმწიფო პროგრამა შემდეგი სამი ძირითადი ქვეპროგრამის ფარგლებში განხორციელდება:

- დასაქმების ხელშეწყობის მომსახურებათა განვითარების ქვეპროგრამა;
- სამუშაოს მაძიებელთა პროფესიული კვალიფიკაციის ამაღლების ქვეპროგრამა;
- საზოგადოებრივ სამუშაოებზე დასაქმების ხელშეწყობის ქვეპროგრამა.

აღნიშნული სტატიის მიზანია განვიხილოთ საქართველოში შრომის ბაზრის აქტიური პოლიტიკის განხორციელების შესაძლებლობები, დასაქმების ხელშეწყობის სახელმწიფო სააგენტოს განსახორციელებელი პროგრამები, რაც კიდევ უფრო დეტალურ და სიღრმისეულ კვლევასა და შესწავლას საჭიროებს სამომავლოდ.

საკვანძო სიტყვები: დასაქმების აქტიური პოლიტიკა, დასაქმების ხელშეწყობის სახელმწიფო სააგენტო, დასაქმების პროგრამები.

THE MAIN DIRECTIONS OF THE ACTIVE EMPLOYMENT POLICY AND THE IMPLEMENTING INSTITUTION

Ela Lej hava

Phd student at GTU

RESIUME

Unemployment is one of the most important socio-economic problems in Georgia. Unemployment is the forced unemployment of economically active people. The fight against unemployment has always been given great attention. The task of modern national employment programs is not to eliminate unemployment, but to reduce it to its natural level. Specific measures of state employment policy may vary according to the socio-economic conditions of the country. In 2012, Georgia started to establish labor market institutions and develop relevant programs. In order to implement an active labor policy in the country on January 1, 2020, the State Employment Promotion Agency under the Ministry of Refugees, Labor, Health and Social Affairs of Georgia started to operate independently to develop / implement active labor market policies and employment promotion services in the country.

The implementation of the 2022 state program for employment promotion will be implemented within the framework of the following three main sub-programs:

1. Employment Timing Services Development Sub-program;
2. Sub-program for professional development of job seekers;
3. Public Works Employment Promotion Sub-Program.


The purpose of this article is to discuss the possibilities of implementing an active labor market policy in Georgia, the programs to be implemented by the State Employment Promotion Agency, which requires even more detailed and in-depth research and study in the future.

Key Words: Active employment policy, State Agency for Employment Promotion, Employment programs.

უმუშევრობა – საბაზრო ეკონომიკის რთული, მრავალსპექტიანი სოციალურ-ეკონომიკური მოვლენაა. უმუშევრობა – ეკონომიკურად აქტიური მოსახლეობის იძულებითი დაუსაქმებლობაა. უმუშევრობა ადამიანი, ვისაც შეუძლია და სურს მუშაობა, ამასთანავე ეძებს სამუშაოს. უმუშევრობა ვლინდება სხვადასხვა ფორმებში. უმუშევრობის ძირითადი ფორმებია – ფრიქციული, სტრუქტურული და ციკლური. თანამედროვე საბაზრო ეკონომიკაში უფრო მეტად გავრცელებულია სტრუქტურული უმუშევრობა, რომელსაც თან ახლავს ახალი ტექნოლოგიური პრინციპები, რაც იძულებით ფორმას იღებს. ნებაყოფლობითი უმუშევრობა მოიცავს დაუსაქმებელ შრომისუნარიან ადამიანებს, რომლებსაც არ სურთ მუშაობა, და მათ, ვინც ნებაყოფლობით ხდება უმუშევარი იმიტომ, რომ ეძებს სამუშაოს უფრო კარგი პირობებითა და შრომის მაღალი ანაზღაურებით. სტრუქტურული უმუშევრობა ფრიქციულთან ერთად ქმნის ბუნებრივი უმუშევრობის ცნებას.

უმუშევრობა საქართველოში ერთ-ერთი ყველაზე მნიშვნელოვანი სოციალურ-ეკონომიკური პრობლემაა, განსაკუთრებით კორონავირუსით გამოწვეული პანდემიის შემდგომ. პანდემიამ, როგორც საქართველოში, ასევე მსოფლიოში, რამდენიმე თვით სრულიად გააჩერა ეკონომიკა და შეცვალა ადამიანების ცხოვრების რიტმი

უმუშევრობის დონე გრაფიკი N1



უმუშევრობასთან ბრძოლას ყოველთვის დიდ ყურადღებას უთმობდნენ. მაგრამ უმუშევრობის, „საზოგადოების ამ ყველაზე მნიშვნელოვანი მანკიერების“ (კეინსი) დაძლევა პრაქტიკულად საკმაოდ რთული ამოცანაა. უმუშევრობის წინააღმდეგ საჭირო „ნაბლის“ შერჩევა ნიშნავს დასვა უმუშევრობის ეკონომიკური ბუნების სწორი დიაგნოზი (ნებაყოფლობითი, იძულებითი, სტრუქტურული, ფრიქციული, ციკლური), გაითვალისწინო ცვლილებები მაკროეკონომიკური პროცესების მიმდინარეობაში,

იპოვო დასაქმების სახელმწიფო პოლიტიკის ადეკვატური ზომები.

დასაქმების თანამედროვე ეროვნული პროგრამების ამოცანაა არა უმუშევრობის აღმოფხვრა, არამედ მისი შემცირება ბუნებრივ დონემდე, შემცირდეს უმუშევრობის ხანგრძლივობა, არ მიეცეს მას ქრონიკული ხასიათი, შეჩერდეს უმუშევრობა სოციალურად დასაშვებ დონემდე, გამოყენებული იყოს უმუშევრობასთან ბრძოლის ინფლაციურად „უვნებელი“ მეთოდები, უზრუნველყოფილი იყოს უმუშევართა სოციალური დაცვა. დასაქმების სახელმწიფო პოლიტიკის სტრატეგიული ამოცანაა შეიქმნას პირობები ეფექტიანი დასაქმების მუდმივი ზრდისთვის.

დასაქმების სახელმწიფო პოლიტიკის კონკრეტული ზომები შეიძლება განსხვავდებოდეს ქვეყნის სოციალურ-ეკონომიკური პირობების მიხედვით. ამასთან ერთად მიღებულია დასაქმების დონეზე სახელმწიფოს ზემოქმედების ყველა ზომა კლასიფიცირებული იყოს როგორც დასაქმების სახელმწიფო პოლიტიკის ორი ტიპი – **აქტიური და პასიური**.

დასაქმების სახელმწიფო აქტიური პოლიტიკა საკმაოდ ახალი ტიპია, ის გამოიყენება XX საუკუნის 60-იანი წლებიდან. მისი არსი შეიძლება მოკლედ იყოს გამოხატული დებულებებით – შრომა შემწეობების მაგიერ, უმუშევრობის შემცირება, მისი ზრდის შეკავება და არა უმუშევრობის შედეგების შემსუბუქება. ამ პოლიტიკის პრიორიტეტული ღონისძიებებია დასაქმებულების და უმუშევრების სწავლება ეკონომიკაში დასახული სტრუქტურული ცვლილებებიდან გამომდინარე. ეს ღონისძიებები შრომის ბაზარზე ზრდის დასაქმებულთა კონკურენტუნარიანობას, აყალიბებს სამუშაო ძალის მიწოდების სტრუქტურას, რომელიც შრომის ბაზრის მოქნილობის მოთხოვნების ადეკვატურია. დასაქმების აქტიური პოლიტიკის ძირითადი ამოცანაა – შემცირდეს უმუშევრობა და მისი ხანგრძლივობა, ხელი შეუწყოს სტრუქტურულ გარდაქმნებს, დასაქმების უფრო მაღალ და სტაბილურ დონეს.

დასაქმების პასიური პოლიტიკა მიმართულია სოციალური დაცვის ზომების გატარებაზე, უმუშევართა შემწეობების გაცემაზე, მატერიალური დახმარების აღმოჩენაზე ხანგრძლივად დარჩენილი უმუშევრებისთვის.

უპირატესობა ენიჭება დასაქმების სახელმწიფო აქტიური პოლიტიკას, რომელიც გამოხატულია შრომის მოთხოვნა და მიწოდებაზე მოქმედ ფაქტორთა ფართო ნაკრებში.

ამგვარად, საბაზრო ეკონომიკაში მიმდინარეობს მიზანმიმართული დასაქმების სახელმწიფო პოლიტიკა, სახელმწიფო რეგულირებას უკეთებს მოთხოვნას და მიწოდებას შრომის ბაზარზე, პასუხიმგებლობას იღებს უმუშევრების სწავლებასა და დასაქმებაზე, მუდმივად ეძებს ახალ მიდგომებს დასაქმების რეგულირებისთვის შრომის ბაზარზე.

დასაქმების სახელმწიფო სისტემა სათავეს იღ-

ებს დაახლოებით მეცხრამეტე საუკუნის დასასრულადან, ინდუსტრიალიზებულ ქვეყნებში. ეს გახლდათ რეაქცია და შედეგიც, რომელსაც ზეგავლენა უნდა მოეხდინა უმუშევრობასა და სოციალურ-ეკონომიკურ მდგომარეობაზე.

2012 წლიდან საქართველომ შრომის ბაზრის ინსტიტუტების შექმნა და შესაბამისი პროგრამების ამუშავება დაიწყო. ეს, დიდწილად, ევროკავშირთან ორმხრივი თანამშრომლობით და მის წინაშე აღებული ვალდებულებებით იყო განპირობებული. შრომისა და დასაქმების სფეროში ვალდებულებები კიდევ უფრო გაიზარდა 2014 წელს, როდესაც საქართველომ ხელი მოაწერა ევროკავშირთან ასოცირების ხელშეკრულებას. შრომისა და დასაქმების პოლიტიკაზე მთავარი პასუხისმგებელი ორგანო საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროა. კერძოდ კი, წინარე წლებში ეს იყო სამინისტროში, სოციალური მომსახურების სააგენტოში არსებული შრომისა და დასაქმების დეპარტამენტი, რომელიც 2013 წელს შეიქმნა.

შემუშავებულია შრომისა და დასაქმების პოლიტიკის ეროვნული სტრატეგია (2019-2023 წწ), რომელიც წარმოადგენს საქართველოს მთავრობის ხედვას შრომისა და დასაქმების სფეროში მომდევნო 5 წლის განმავლობაში განსახორციელებელი სისტემური და სტრატეგიული რეფორმებისა და ღონისძიებების ერთობლიობას.

სტრატეგიაში განისაზღვრა ორი ურთიერთდაკავშირებული სექტორული პრიორიტეტი და თითოეულ მათგანში რამდენიმე მიზანი.

სექტორული პრიორიტეტი: დასაქმების ხელშეწყობა

- მოთხოვნასა და მიწოდებას შორის შეუსაბამობის შემცირება;

- შრომის ბაზრის აქტიური პოლიტიკის (ALMP) გაძლიერება;

- მიზნობრივი სოციალური და ინკლუზიური დასაქმების პოლიტიკით შრომის ბაზარზე ქალების და მონყვლადი ჯგუფების ჩართულობის ხელშეწყობა;

სექტორული პრიორიტეტი: შრომის ბაზრის ეფექტიანი ფუნქციონირების ხელშეწყობა

- ◆ სამუშაო ადგილებზე შრომის უსაფრთხოებისა და უფლებების დაცვის აღსრულების სისტემის გაუმჯობესება;

- ◆ შრომითი მიგრაციის მართვის გაუმჯობესება.

დასაქმების ხელშეწყობისთვის მსოფლიოში აპრობირებული მეთოდია „შრომის ბაზრის აქტიური პოლიტიკა“, რომელიც ახალი სამუშაო ადგილების მოძიება-დასაქმებისთვის მოქალაქეებს სხვადასხვა სერვისს სთავაზობს. ამ მიმართულებით ქვეყანაში სახელმწიფოს მთავარი ინსტრუმენტია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული

ბარებული სსიპ-დასაქმების ხელშეწყობის სახელმწიფო სააგენტო, რომლის სერვისცენტრები დასაქმების ხელშეწყობის მომსახურებას სთავაზობს სამუშაოს მაძიებელთა ბაზაში (worknet.gov.ge) რეგისტრირებულ პირებს.

„შრომის ბაზრის აქტიური პოლიტიკა“¹ - სხვადასხვა სფეროში სახელმწიფო ღონისძიებათა ერთობლიობაა, რომელიც უზრუნველყოფს შრომის ბაზრის ფუნქციონირებას, მისი სტრუქტურის გაუმჯობესებას და შრომის ბაზარზე მოთხოვნასა და მიწოდებას შორის დისბალანსის შემცირებას შრომის ბაზრის მონაწილეთა ინდივიდუალური უნარების განვითარებით.

„დასაქმების ხელშეწყობის შესახებ“ კანონი აწესრიგებს დასაქმების ხელშეწყობასთან დაკავშირებულ სახელმწიფო საქმიანობას, განსაზღვრავს შრომის ბაზრის აქტიური პოლიტიკისა და დასაქმების ხელშეწყობის საკითხებზე პასუხისმგებელ ინსტიტუტებს - სწორედ ამ კანონის საფუძველზე შეიქმნა საჯარო სამართლის იურიდიული პირი დასაქმების ხელშეწყობის სახელმწიფო სააგენტო.

2020 წლის პირველი იანვრიდან ფუნქციონირება დაიწყო დამოუკიდებელი სახით **სსიპ დასაქმების ხელშეწყობის სახელმწიფო სააგენტომ**, ქვეყანაში შრომის ბაზრის აქტიური პოლიტიკისა და დასაქმების ხელშეწყობის მომსახურებათა განვითარება/განხორციელების მიზნით. სააგენტოს მიერ წარმოდგენილი დასაქმების მხარდამჭერი სახელმწიფო პროგრამები განკუთვნილია შრომის ბაზრის მართვის საინფორმაციო სისტემა - Worknet.gov.ge-ზე რეგისტრირებული 16 წლის ასაკიდან სამუშაოს მაძიებლებისათვის. Worknet.gov.ge-ს არის ელექტრონული სივრცე, რომელიც შეიქმნა სახელმწიფოს გადამწყვეტილებით და ხელშეწყობით, დასაქმების აქტიური პოლიტიკის განხორციელების მიზნით.

მიმდინარე ეტაპისთვის სააგენტო წარმოდგენილია თბილისისა და საქართველოს 7 რეგიონულ ცენტრში:

- თბილისის სერვის ცენტრი;
- რეგიონული ცენტრები: კახეთი, ქვემო ქართლი, შიდა ქართლი, იმერეთი, სამეგრელო-ზემო სვანეთი, გურია და აჭარის ა.რ.

სააგენტოს საქმიანობა განისაზღვრება „დასაქმების ხელშეწყობის კანონში“ წარმოდგენილი დასაქმების 4 ძირითადი ფორმით:

- ◆ დასაქმება;
- ◆ შრომის ანაზღაურების სუბსიდირებით დასაქმება;
- ◆ სტაჟირება;
- ◆ შრომითი მიგრაცია.

საქართველოს მთავრობის 2022 წლის 17 თებერვლის დადგენილებით N-81 დამტკიცდა დასაქმების ხელშეწყობის სახელმწიფო სააგენტოს დასაქმების ხელშეწყობის 2022 წლის სახელმწიფო პროგრამა,

1 დასაქმების ხელშეწყობის შესახებ | სსიპ „საქართველოს საკანონმდებლო მაცნე“ (matsne.gov.ge)

სადაც განისაზღვრა შემდეგი ქვეპროგრამები:

- დასაქმების ხელშეწყობის მომსახურებათა განვითარების ქვეპროგრამა;

- სამუშაოს მაძიებელთა პროფესიული კვალიფიკაციის ამაღლების ქვეპროგრამა;

- საზოგადოებრივ სამუშაოებზე დასაქმების ხელშეწყობის ქვეპროგრამა.

სააგენტოს დააარსების დღიდან წარმოდგენილი აქვს 2020 და 2021 წლის ანგარიში. აღსანიშნავია, რომ სააგენტოს საქმიანობა დაარსებიდან მკვეთრად შეაფერხა ახალი კორონავირუსის COVID-19 მიერ გამოწვეულმა პანდემიამ, რომელმაც შეცვალა არამარტო საქართველოს, არამედ მსოფლიოს მრავალი ქვეყნის ყოველდღიური ცხოვრება და სამუშაო პროცესი. აქედან გამომდინარე სახელმწიფო სააგენტო ჩაერთო პანდემიის შედეგად დაზარალებული მოსახლეობისთვის კომპენსაციების გაცემის ადმინისტრირების პროცესში. კერძოდ, სააგენტოს დაევალა კომპენსაციების გაცემა იმ დაქირავებით დასაქმებულებისთვის და ფორმალური და არაფორმალური თვითდასაქმებულებისთვის, რომლებმაც დაკარგეს სამსახური ანდა შემოსავალი პანდემიის შედეგად. დაქირავებით დასაქმებულებისთვის კომპენსაციის ოდენობა განისაზღვრა თვეში 200 ლარით, 6 თვის ოდენობით, ხოლო თვითდასაქმებულებისთვის განისაზღვრა ერთჯერადი კომპენსაცია 300 ლარის ოდენობით.

მთავრობის მიერ დამტკიცებული დასაქმების ხელშეწყობის მიმდინარე წლის სახელმწიფო პროგრამის განხორციელება დასაქმების აქტიური პოლიტიკის შემდეგი ღონისძიებების გატარებით არის დაგეგმილი:

- ❖ შრომის ბაზრის მართვის სიანფორმაციო სისტემის განვითარება;

- ❖ შრომის ბაზარზე ინდივიდუალური და ჯგუფური კონსულტირების განევა მუნიციპალურ დონეზე;

- ❖ საშუაშაგლო მომსახურების მინოდება-განვითარება;

- ❖ ცირკულარული შრომითი მიგრაციის სახელმწიფოთაშორისი შეთანხმებების იმპლემენტაცია;

- ❖ მოწყვლადი, დაბალკონკურენტუიანი ჯგუფების დასაქმების ხელშემწყობი მექანიზმების შემუშავება და დანერგვა;

- ❖ დასაქმების ფორუმების მოწყობა;

- ❖ ვაკანსიების მონიტორინგი და თვისებრივი კვლევების განხორციელება მინიმუმ წელიწადში ერთხელ;

- ❖ სააგენტოს შესახებ ცნობიერების ასამაღლებელი კამპანიების წარმოება;

- ❖ სოციალურ პარტნიორობთან მჭიდრო თანამშრომლობა.

- ❖ პროფესიული კონსულტაციისა (პროფკონსულტაცია) და კარიერის დაგეგმვის მომსახურების მინოდება რეგიონალურ დონეზე;

- ❖ საკვანძო კომპეტენციების განვითარება;

- ❖ სამუშაოს მაძიებელთა პროფესიული მომზადება/გადამზადება და კვალიფიკაციის ამაღლება.

მნიშვნელოვანია განვიხილოთ დასაქმების ხელშეწყობის სახელმწიფო სააგენტოს საქმიანობის ფარგლებში დასაქმების აქტიური პოლიტიკის კონკრეტული მომსახურებები და პროგრამები შინაარსობრივად:

- ❖ **ინდივიდუალური და ჯგუფური კონსულტაციები** - ორიენტირებულია, დაეხმაროს პიროვნებას, რათა მან შეძლოს დამსაქმებელთან დაკავშირებული პრობლემების გადაჭრა, საკუთარი ინდივიდუალური თვისებებისა და შრომის ბაზარზე არსებული რეალური სიტუაციის გათვალისწინებით;

- ❖ **პროფესიული ორიენტაცია და კარიერის დაგეგმვა** - პროცესი, რომელიც ხელს უწყობს სამუშაოს მაძიებელს, შეიძინოს ის უნარ-ჩვევები, რომლებიც მას სჭირდება პროფესიულ მომავალთან დაკავშირებული არჩევანის გასაკეთებლად და გადაწყვეტილებების მისაღებად;

- ❖ **საშუაშაგლო მომსახურება** - ვაკანსიის შესაფერისი კადრის მოძიება/ შერჩევა (ერთი კვირის ვადაში) და მონაცემების დამსაქმებლისთვის მინოდება;

- ❖ **მხარდაჭერითი დასაქმების სერვისი მოწყვლადი ჯგუფებისთვის** - მოწყვლადი, დაბალკონკურენტუიანი პირების დასაქმების ხელშეწყობის სერვისების დანერგვა;

- ❖ **დასაქმების ფორუმების ორგანიზება** - პოტენციურ კანდიდატთა არჩევის ან სასურველი სამუშაო ადგილის მოძიების მიზნით, სხვადასხვა ეკონომიკური სექტორის წარმომადგენელი დამსაქმებლები-სა და რეგისტრირებული სამუშაოს მაძიებლების ორგანიზებული, მასიური შეხვედრა/გასაუბრება.

- ❖ **დამატებითი სერვისები რთულად დასასაქმებლებისთვის** - სააგენტო ინტენსიურად მუშაობს ისეთ რთულად დასასაქმებელ პირებთან, როგორებიც არიან შშმ პირები, მარტოხელა დედები და ძალადობის მსხვერპლი პირები (უახლოეს მომავალში ამ ჯგუფებს დაემატება სახელმწიფო ზრუნვაში მყოფი და ზრუნვიდან გამოსული პირები) და ეხმარება მათ ბარიერების დაძლევაში, მოტივაციის გაზრდასა და შრომის ბაზარზე ინტეგრაციაში. ამასთან, ამ კუთხით სააგენტო აქტიურად მუშაობს დამსაქმებლებთანაც, რათა გაიზარდოს მათი მზაობა სამიზნე ჯგუფების დასაქმების კუთხით;

- ❖ **ცირკულარული შრომითი მიგრაცია (დროებითი ლეგალური დასაქმების სახელმწიფოთაშორისი სქემების განხორციელება)** - საქართველოს მოქალაქეების საზღვარგარეთ დროებითი, ლეგალური დასაქმების ხელშეწყობა. ამჟამად შრომითი მიგრაციის შესახებ ხელშეკრულება/შეთანხმება გაფორმებული და ძალაში შესული არის 4 პარტნიორ ქვეყანასთან, კერძოდ: ისრაელის სახელმწიფოსთან, გერმანიის ფედერაციულ რესპუბლიკასთან, საფრანგეთსა და ბულგარეთთან.

დასაქმების სახელმწიფო აქტიური პოლიტიკის

განხორციელება დასაქმების ხელშეწყობის სახელმწიფო სააგენტოს მიერ შემუშავებული შემდეგი პროგრამების მეშვეობით ხდება:

● **პროფესიული მომზადება-გადამზადების პროგრამა** - შრომის ბაზრის მოთხოვნად პროფესიებში სამუშაოს მაძიებელთათვის პროფესიული მომზადების და პროფესიული გადამზადების მოკლევადიანი და გრძელვადიანი კურსების უზრუნველყოფა.

● **საკვანძო კომპეტენციების ტრენინგ-კურსები** - საკვანძო კომპეტენცია წარმოადგენს ცოდნის, უნარ-ჩვევების და დამოკიდებულებებისაგან შემდგარ ერთობლიობას, პიროვნული მიღწევებისა და განვითარებისთვის, სოციალური ჩართულობისა და დასაქმებისთვის. საკვანძო კომპეტენციებში სამუშაოს მაძიებელთა მომზადების მიზანია მათი უზრუნველყოფა შესაბამისი უნარ-ჩვევებით. სააგენტო მოქალაქეებს სთავაზობს შემდეგი ოთხი ძირითადი მიმართულებით მოკლე ვადიან ტრენინგ-კურსებს:

- პერსონალური და სოციალური კომპეტენცია;
- ციფრული კომპეტენცია;
- სამენარმეო კომპეტენცია;
- მულტილინგვურობის კომპეტენცია.

◆ **სტაჟირების პროგრამა** - დამსაქმებლების მიერ წარმოდგენილ ვაკანტურ ან/და პერსპექტიულ სამუშაო ადგილზე/ადგილებზე პრაქტიკული უნარ-ჩვევების განვითარება/სწავლება შემდგომი დასაქმების მიზნით. სტაჟირების ხანგრძლივობა შეიძლება განისაზღვროს არაუმეტეს 3 თვისა. ერთ პოზიციაზე შესაძლებელია არაუმეტეს 3 სტაჟირის გადამზადება. დამსაქმებელს აქვს ერთ პოზიციაზე მინიმუმ 1 სტაჟირის დასაქმების ვალდებულება და შრომითი ხელშეკრულება უნდა გაფორმდეს მინიმუმ 6 თვით გამოსაცდელი ვადით. სამუშაოს მაძიებლის სტიპენდია შეადგენს თვეში 200 ლარს, ხოლო დისტანციური მუშაობის შემთხვევაში - 100 ლარი. აღსანიშნავია რომ, გაცემული ანაზღაურება (სტიპენდია) არ იბეგრება.

◆ **ხელფასის სუბსიდირების პროგრამა** - სუბსიდირების პროგრამა მიმდინარეობს 1-დან 3 თვემდე ვადით. ერთ ბენეფიციარზე ვაუჩერის ღირებულება განისაზღვრება შრომის ანაზღაურების 50%-ის ოდენობით, მაგრამ არაუმეტეს 560 ლარისა. სუბსიდირების დასრულების შემდგომ დამსაქმებელი ვალდებულია ბენეფიციარს შრომითი ხელშეკრულება გაუფორმოს სულ მცირე 6 თვის ვადით. პროგრამით მოსარგებლეები შეიძლება იყოს - შშმ/სსსმ პირები, 16-29 წლის ჩათვლით ახალგაზრდები მოწყვლადი ჯგუფებიდან (სოც. დაუცველები, სარეიტინგო ქულა არ აღემატება 120 000-ს, დევნილები, სახელმწიფო ზრუნვის ქვეშ მყოფი და ზრუნვიდან გასული პირები).

◆ **დაცული სამუშაო ადგილის სუბსიდირება** - დაცული სამუშაო ადგილი - დამსაქმებლის მიერ ისეთი სამუშაო გარემოს შექმნა, რომელიც შეზღუდული შესაძლებლობის მქონე პირისთვის/სპეციალური საგანმანათლებლო საჭიროების მქონე პირისთვის არის ადაპტირებული. დაცული სამუშაო ადგილი შეიძლება იყოს სპეციალური ვაკანსია, რომელსაც მხოლოდ შეზღუდული შესაძლებლობის მქონე პირი/სპეციალური საგანმანათლებლო საჭიროების მქონე პირი შეიძლება დაიკავოს. სააგენტო უზრუნველყოფს დამსაქმებლის სუბსიდირებას კომისიის გადაწყვეტილების საფუძველზე, არა უმეტეს 50%-ისა.

რისთვის არის ადაპტირებული. დაცული სამუშაო ადგილი შეიძლება ასევე იყოს სპეციალური ვაკანსია, რომელსაც მხოლოდ შეზღუდული შესაძლებლობის მქონე პირი/სპეციალური საგანმანათლებლო საჭიროების მქონე პირი დაიკავებს. სააგენტო უზრუნველყოფს დაცული სამუშაო ადგილის სამუშაო გარემოს ადაპტირებისთვის ან შექმნისთვის განხორციელოს დამსაქმებლის სუბსიდირება იმ პირობით, რომ ეს სამუშაო გარემო სულ მცირე 3 წელს იფუნქციონირებს. სააგენტო უზრუნველყოფს დამსაქმებლის სუბსიდირებას კომისიის გადაწყვეტილების საფუძველზე, არა უმეტეს 50%-ისა.

მიმდინარე წლის 1 მარტიდან ამოქმედდა და სააგენტო ახორციელებს საზოგადოებრივ სამუშაოებზე დასაქმების ხელშეწყობის ქვეპროგრამას. საზოგადოებრივ სამუშაოებზე დასაქმების ხელშეწყობის ქვეპროგრამის მიზანია, სოციალურად დაუცველი შრომისუნარიანი პირების საზოგადოებრივ სამუშაოებში ჩართვა, რათა მოხდეს მათი ნახალისება და მოტივაციის ამაღლება - გახდნენ აქტიური სამუშაო ძალა და ინტეგრირდნენ შრომის ბაზარზე. პროგრამის მოსარგებლე არის შრომისუნარიანი სოციალურად დაუცველი პირი, რომელსაც აქვს მინიჭებული 120 000 ქულამდე და იღებს სოციალურ დახმარებას. საზოგადოებრივი სამუშაოს მომწოდებელი აღნიშნული პროგრამის ფარგლებში არიან თვითმმართველი ერთეულები და სახელმწიფო ორგანიზაციები. მოსარგებლეს აქვს არჩევანი შემდეგ შეთავაზებებს შორის:

- საზოგადოებრივი სამუშაო;
- შრომის ბაზარზე არსებული ვაკანსია;
- დასაქმების ფორმალიზება;
- მოკლევადიანი პროფესიული მომზადება-გადამზადება

თუ მოსარგებლე თანახმაა ერთ რომელიმე შეთავაზებაზე ოჯახს 4 წლის განმავლობაში უწყვეტად უნარჩუნდება საარსებო შემწეობა (არ განხორციელდება ოჯახის სოციალურ-ეკონომიკური მდგომარეობის გადამოწმება), ხოლო თუ ოჯახი უარს იტყვის აღნიშნულ შეთავაზებებზე, უარის დაფიქსირების მომდევნო თვიდან 1 წლის შემდეგ სოციალური დახმარების მიმღები ოჯახი დაექვემდებარება სოციალურ-ეკონომიკური მდგომარეობის გადამოწმებას.

სტატიაში განხილული პროგრამები შრომის ბაზრის აქტიური პოლიტიკის განხორციელების შესაძლებლობებსა და პერსპექტივებს წარმოადგენს, სსიპ დასაქმების დასაქმების ხელშეწყობის სახელმწიფო სააგენტოს მოქმედების არეალში.

აღსანიშნავია, რომ საჭიროა კიდევ უფრო დაიხვეწოს შრომის ბაზრის აქტიური პოლიტიკის საკანონმდებლო ნორმები და ამასთან არსებული რეგულაციები, დასაქმების ხელშეწყობის სახელმწიფო სააგენტოს საქმიანობისა და პროგრამების შესახებ სამიზნე აუდიტორიას მიეწოდოს კონკრეტული ინფორმაცია.

გამოყენებული ლიტერატურა:

1. <https://socialjustice.org.ge/ka/products/dasakmebis-politika-sakartveloshi>
2. <http://www.lmis.gov.ge/Lmis/Lmis.Portal.Web/Pages/User/Dashboard.aspx?CategoryID=df-02f9aa-a610-42ba-9a41-ee5f8bc4bf7e>
3. <https://www.geostat.ge/ka/modules/categories/683/dasakmeba-umushevroba>
4. <http://eprints.tsu.ge/1425/1/Labor%20market%20in%20the%20Georgian%20state%20sector.pdf>
5. <http://www.nplg.gov.ge/greenstone3/library/collection/ekonomik/document/HASH-01f4140e9d4b6128d223b9a8;jsessionid=C9108B-04F496A41BF887FE84D3845549?ed=1>
6. http://ssa.gov.ge/files/2015/Sajaro/1/4/05/07.05.2015_03.pdf
7. <https://matsne.gov.ge/ka/document/view/2659895?publication=0>
8. https://www.ilo.org/wcmsp5/groups/public/---ed_emp/---emp_elm/documents/publication/wcms_114329.pdf
9. დასაქმების ხელშეწყობის 2022 წლის სახელმწიფო პროგრამის დამტკიცების შესახებ | სსიპ "საქართველოს საკანონმდებლო მაცნე" (matsne.gov.ge)
10. დასაქმების ხელშეწყობის მომსახურებათა განვითარების 2021 წლის სახელმწიფო პროგრამის დამტკიცების შესახებ | სსიპ "საქართველოს საკანონმდებლო მაცნე" (matsne.gov.ge)
11. <https://www.moh.gov.ge/ka/743/>
12. დასაქმების ხელშეწყობის შესახებ | სსიპ "საქართველოს საკანონმდებლო მაცნე" (matsne.gov.ge)
13. საქართველოს შრომისა და დასაქმების პოლიტიკის 2019-2023 წლების ეროვნული სტრატეგიის დამტკიცების თაობაზე | სსიპ "საქართველოს საკანონმდებლო მაცნე" (matsne.gov.ge)
14. დასაქმების ხელშეწყობის 2022 წლის სახელმწიფო პროგრამის დამტკიცების შესახებ | სსიპ "საქართველოს საკანონმდებლო მაცნე" (matsne.gov.ge)
15. სსიპ დასაქმების ხელშეწყობის სახელმწიფო სააგენტოს სერვისებისა და პროგრამების შესრულების ანგარიში, 2021 წელი (<https://www.moh.gov.ge/ka/743/>)
16. დასაქმების პროგრამების დეპარტამენტის 2020 წლის სტატისტიკური ანგარიში (<https://www.moh.gov.ge/ka/743/>)
17. <http://www.lmis.gov.ge/Lmis/Lmis.Portal.Web/Pages/User/Surveys.aspx>
18. შრომის ბაზარზე ვაკანსიები მონიტორინგი (<https://www.moh.gov.ge/ka/743/>)